



Tir Yimiyim

www.tiryimiyim.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimiyim@gmail.com

TAPAK 7

Yangia anidakangma :

Tir Yimiyim

tiryimiyim@aolima

tir yimiyim

TAPAK 8

Kejriwal-i aluyimertem nem temenok agütsütsü ahang

Sudan mitkari sorkar atsüngdoktsü PM Hamdok-i meteta liasü



VOL. XIX NO. 50 (ADOK 50)

DIMAPUR

KÜPTOKNÜ (SATURDAY)

YIMPOKSÜ (NOVEMBER) 27, 2021

₹ 5.00

UDA sorkari Rs 504.54 crore indang supplementary grants agizük

Kohima, November 26, 2021 (TYO): Hokolbarnü Nagaland nung opposition maliba sorkari 2014-15 nungi 2016-17 tashi financial year asem atongtepa sen talila endokba dak sendakba appropriation bill asem agizükogo. Nagaland Appropriation (No. 5) Bill 2021, Nagaland Appropriation (No. 6) Bill 2021 aser Nagaland Appropriation (No. 7) Bill 2021 ajanga Rs 504.54 crore talila endokba agizük.

Tanü Assembly nung Chief Minister Neiphu Rio-i bill tem benoka liasü.

Financial year 2014-15 atema mezüngbuba bill ji Rs. 38,78,00,000 indang

Supplementary Demands for grants ama agizük.

Ano, Rs. 373,60,00,000 indang tanabuba bill ji financial year 2015-16 atema Supplementary Demands for grants ama agizük.

Maneni, tasembuba bill ji Rs. 92,16,00,000 indang liasü aser financial year 2016-17 atema Supplementary Demands for grants ama agizüka liasü.

Assembly indang Public Accounts Committee ajanga supplementary demands jungjunga repringogo aser iba jagi assembly nung benoka jembitsü nüngdak madoker, ta NLA Speaker Sharingain Longkumer-i ashi.

COVID-19 Nagaland: 4 dak putet & 8 taneptsü angu

Kohima, November 26, 2021 (TYO): Nagaland nung Hokolbarnü nisung 4 dak COVID-19 putet aser 8 taneptsü angu. "Tanü Dimapur nung nisung 4 dak putet" ta Integrated Disease Surveillance Project atema State Nodal Officer, Dr Nyanthung Kikon-i ashi.

"Taoba ghonda 24 tsüngda COVID-19 puteta alir nisung 8 taneptsü angu. Parnokji Dimapur nung nisung 6 aser Kohima o Kiphire nung kaka (1) lir" ta paisa ashi.

Nisung 32,096 nungi 30,203 taneptsü angu aser ibaji taneptsü angur 94.11% lir, ta Dr. Kikon-isa metetdaksü.

"Tang nisung 136 anepaludar saka parnok 106 dakbo shirangba yimya kecha mali" ta paisa

shisem. "Brihostibar tashi nung nisung 732,095 nem COVID-19 vaccine indang dose 12,72,713 agütsüogo" ta State Immunization Officer, Dr Ritu Thurr-i ashi.

"Vaccine agirtemji frontline workers 60,979, healthcare workers 15,999, arishi küm 45 ser temapur 207,301 aser arishi küm 18 nungi 44 tsüngda alir 447,816 lir" ta ta paisa ashi.

"Vaccine agirtem rongnungi nisung 540,618 tashi dose anaprong agiogo. Parnokji frontline workers 48,456, healthcare workers 13,506, arishi küm 45 ser temapur 171,194 aser arishi küm 18 nungi 44 tsüngda alir 307,462 lir" ta Dr Thurr-isa metetdaksü.

Math & Science tesayurtem shimtsü atema talenba kar salatsüla

Kohima, November 26, 2021 (TYO): Nagaland nung Math aser Science tesayurtem peria maliba atema tanü Nagaland Assembly-i mapa shimokba maparen nung non-Naga nung asoshi lapoktsütsü aser B. Ed qualification alitsüsa ta asüba salatsütsü tebilemba shidangogo.

Assembly nung MLA Yitachu-i asüngdangba ka langzüdang School Education Minister in-charge Tongpang Ozukum-i "Nagaland nung math tesayur 76 aser science tesayur 112 taziung lir" ta ashi.

Mapa nungi shimokba maparen nung sorkari inyakymi melaba ama tenokdangba kar agienba sülen department-i tekaratiba nung mapa tazüng alibatem nung nübotem shimoktsü, ta paisa metetdaksü.

Post Graduate Math/Science/Computer tesayurtem secondary

level nung math aser science sayudaksütsü atema sentong lir, ta paisa ashi.

"Naga nung tazünger teimba ka service rules nung lateta aliba onüktem matongba ajanga Nagaland nung math aser science tesayurtem anünger" ta Minister Tongpang-isa ashi.

"Nagaland Education Mission Society-i tawa iba subject tesayur ana indang interview agidang mapa advertise asüba dang nungi tenüng agütsür tajemba liasü. Iba jagi department-i tesayurtem shimoknü nunga inyaktüsü atema tenüng agütsür melira tiagi kasa dang asütsü" ta paisa ashi.

Iba jagi non-Naga nung dena open interview alitsüla saka Naga nung nem mezüng maongka agütsü, ta Minister Tongpang-isa ashi.

"Department-i recruitment inyakyim salatsü merang saka

Nagaland Assembly-i SARFAESI Act atema bangzüng agizük

Kohima, November 26, 2021 (TYO): Hokolbarnü Nagaland Assembly-i SARFAESI Act 2002 mapa küma inyaktüsü atema sorkar bangzüng ka agiogo. Iba ajanga bank temi sen aputsüba meyipa agitsü atema local nisungtem nem dang rongsen ayoktsü melar.

Brihostibarnü Chief Minister Neiphu Rio-i Securitisation and Reconstruction of Financial Assets and Enforcement of Security Interest (SARFAESI) Act, 2002 indang bangzüng benoka liasü.

SARFAESI Act, 2002 ajanga bank aser sen aputsüba rejutem nem sen apurtem oindang rongsen agitsü indang tashi

agütsür, ta Hokolbarnü CM Rio-i ashi.

"Ajisüaka, Constitution of India nung Arrla 371A(I)(a)(iv) ajanga Nagaland Legislative Assembly-i dang bangzüng ka agi lemtetba dak alaka Parliament indang Act kechaia Nagaland nung ali kibur aser ali den rongsen belenba mapa meinyaktetsü ta lateta lir" ta pai metetdaksü.

Nagaland Land and Revenue Regulations (Amendment) Act, 2002 ajanga Assam Land and Revenue Regulations, 1886 yanglushiogo, ta paisa shisem.

SARFAESI Act 2002 mapa meinyakba ajanga Nagaland state nung rongsenketzüng jenjang merenloker kechiyong iba ajanga

Bank temi nübor nem sen aputsütsü noktanger, ta Rio-isa ashi.

Banks/Financial Institutions-i SARFAESI Act 2002 nung lateta aliba ama Security Interest indang kibur mapa inyakdang Arrla 371 A (I)(a)(iv) nung lateta aliba den Nagaland Land & Revenue Regulations (Amendment) Act, 2002 aser Nagaland nung tanga Act tem nung aliba ama lisopur nisungtem dang dang ayoktsüla, ta paisa metetdaksü.

Tanü NLA Speaker Sharingain Longkumer-i SARFAESI Act, 2002 indang bangzüng benoka vote agitepdang 'voice vote' ajanga agizük.

Nagaland-i Hornbill Festival atema renemshir

Kohima, November 26, 2021 (TYO): Nagaland Tourism Department-i 22 buba Hornbill Festival benjung ayonga amongtsü renemogo.

December 1 nungi 10 tashi Naga Heritage village Kisama nung iba benjung amongtsü.

"Taoba küm 21 tsüngda Hornbill Festival ajanga Nagaland indang sobaliba kanga junga sayua aruogo" ta Tourism Advisor, Khehovi Yephthomi -i ashi.

Hornbill Festival dang 'Festival of Festivals' ta ajar aser alima nung amongba benjungtem rongnungi balaka ta sayutetogo aser nisung aikati repringi arur, ta pai ashi.

"Nagaland dang 'Land of festivals' ta-a ajar aser kin shia indang benjung balala lir. Hornbill Festival ajanga state nung kin ajak külemi sabang ka nung longjemdaksür. Hornbill Festival ya Nagaland nung lisopur kin 17 indang sabang lir" ta Khehovi Yephthomi-i ashi.

Hornbill festival ajanga World tourism map nung Nagaland densemba dang masü saka sobaliba senmang ajanga Naga nung longjemdaksüogo, ta paisa ashi.

2016 nung tourists 1.12 lakh tashi aden aser 2019 nungbo 2.82 lakh aküm, ta paisa metetdaksü.

"2018-2019 nung Hornbill Festival indang Economic Impact Assessment & Analysis ka agidang rongsenketzüng mapa inyakertemi Rs 7 crore shi endokba nungi parnok Rs 45 crore tashi tajangzük angu. 2019 nung Rs. 11.52 crore endokba nungi Rs. 100.73 crore tashi aazük. Iba ya transportation, food, accommodation, local products amala densema maparen balala inyakba ajanga liasü" ta Khehovi Yephthomi-isa metetdaksü.

State Tourism Department-i 22 buba Hornbill Festival amongdang nisung teimba shilem agitsü imlar, ta paisa ashi.

T.R. Zeliang-i NPF Legislature Party Leader inyaktüsü

Dimapur, November 26, 2021 (TYO): NPF Legislature Party-i United Democratic Alliance (UDA) nung adentsü lemtetba atema Chief Minister

aser UDA Leader Neiphu Rio-i Assembly nung NPF Legislature Party Leader inyaktüsü atema T.R. Zeliang shimogo.

Iba osang ya Commissioner & Secretary NLA, Dr. P.J. Antony-i metetdaksü aser T.R. Zeliang-i Cabinet Minister jenjang angutsü.

Naga Students Federation (NSF)-i ibaji noktang" ta School Education Advisor, K T Sukhalu-isa ashi.

"Nagaland nung math aser science tesayurtem maliba ajanga school tem junga moutetsü. Education ya concurrent list kübok lir anungji state sorkari policy tem yanglutsüla aser taruba academic session nungibo school tem akhi ama lapoktsüla" ta MLA Yitachu-i ashi.

"B. Ed qualification alitsüla ta latetba ya agientsüla aser math aser science graduate nem mapa agütsütsüla aser parnok nem B. Ed. azüngtsü atema mapang atakzüktsütsüla" ta MLA Chotisuh Sazo-ia ashi.

"Nagaland nung primary nungi tenzüker sorkar school 1953 lir aser tesayur 19,600 tashi lir saka subject teachers peria mali. October 2021 tashi nung

subject teachers mapa 850 tazüng lir" ta Advisor K T Sukhalu-isa metetdaksü.

Nagaland nung math aser science tesayurtem peria mali aser local candidates aika B. Ed mazüng lir, ta paisa ashi.

"Primary tesayurtem atema-a Diploma in Elementary Education (D. El. Ed) certificate nüngdaker. Sorkar tesayurtem dang D. El. Ed azüngtsü mapang agütsüogo aser külen tesayur meyrjang aika ket nung D. El. Ed. certificate maliba atema state sorkaria Centre dang mapang mereshilokogo" ta Advisor Sukhalu-isa ashi.

Taoba mapang Nagaland nung Class 10, 11 mesüra 12 nung takok angurtem primary tesayur inyaktüsü shim aser tanga untrained teachers aika kümogo, ta paisa shisem.

Training magitetba tesayurtem

nem senotsü teyari agütsür mapa nungi anentsütsü atema State sorkarisa Centre dang teyari meshiogo, ta Sukhalu-isa metetdaksü.

NPSC-i interviews aser exams magiteteter anungji tesayurtem shimtsü atema department nem temelaba agütsütsüla, ta School Education Advisor-isa metetdaksü.

"Nagaland sorkari nangzükba ama Nagaland Staff Selection Board tentetsü meranger saka ENSF-i '45 percent reservation' ahangba ajanga iba ya meinyakteter" ta paisa shisem.

NPF legislature Party leader T R Zeliang-ia "math aser science tesayur shimtsü atema B. Ed qualification magi nunga kecha masü aser non-locals nem-a lapoktsü junger" ta tebilemba lemsatop.

Raj Bhavan Kohima nung Constitution Day amung



Dimapur, Yimpoksüi/Nov. 26 (TYO): Governor's Secretariat and household Establishment, Raj Bhavan nung ketdangsür aser staff tem November 26, 2021 nü Banquet Hall, Raj Bhavan, Kohima nung Constitution Day munga liasü.

Iba sentong nung Commissioner & Secretary to

the Governor, T. Mhabemo Yanthan-i lokti ayongzüka kembiba mapang, Constitution ya India nung temzüng tematiba lir aser senso ajungai akumtsüba aser tushia amshitsüla, ta ashi.

Constitution tebu, Dr. Ambedkar mapa asoshi pai pelaba lemsatep. Dr. Ambedkar dang 'baba

Ambedkar' ta ajar aser Indian Constitution yangluba nung pai tongti shilem agia liasü.

Indian Constitution ya November 26, 1949 nung adopt asü aser January 26, 1950 nungi amshia arur.

Iba sentong nung Commissioner & Secretary-i anir Constitution indang Preamble zünga liasü.

November ita nungi itasen & taah e-Pay Bill System ajanga agütsütsü

Dimapur, Yimpoksüi/Nov. 26 (TYO): Personal Information Management System (PIMS) Cell, Personnel and Administrative Reforms (P&AR) Department ajanga Department ajunga nungi mapa inyaker indang comprehensive data bendenba nung ajemdaker itasen aser taah ya e-Pay Bill System ajanga agütsütsü telemteba agiogo, ta Additional Chief Secretary & Finance Commissioner ajanga sangdong ka nung metetdaksü. 2021 November ita nungi

tenzüka e-Pay Bill kübok itasen aser taah ya sorkar mapa inyaker shirnoki P&AR Department ajanga metetdaksüba ama PIMS database nung register süa ali, parnok nem kisüng agütsütsü.

PIMS database ya 2016 küm nungi tenzüka department ajunga den amteper yanglu tenzük aser DDOs aser Bill Assistant tem ajunga nem e-Pay Bill System inyakyim indang training agüja aru.

Anungji e-Pay Bill System nung mapa inyaker nem taah agütsüba maparen ya timi

inyaktetsü imlar aser yamaji iba mera tasen agiba nung takok angutsü atema ajaki nungdakba nung yaritepa inyaksü amanger, ta sangdong ajanga ashi.

Timtem kar danga lira PIMS Cell, P&AR and Finance department nem metetdaksütsüla.

PIMS portal nung mapa inyaker indang tejangja/data agütsütsü atema P&AR Department ajanga totuyuba agütsüba sülen Department ajungai anidaksü tuyur, ta sangdong ajangasa ashi.

NU-i kaketshirtem asoshi tajungtiba inyaksüla: NSUI Nagaland

Dimapur, Yimpoksüi/Nov. 26 (TYO): Online/offline yimya nung tatidang agitsüba ken o tawa adokba indang National Students' Union of India (NSUI) Nagaland ajanga züngzünga asadanga arur aser tang tesüsa atalokba atema süoki ia bilemteür, ta NSUI Nagaland ajanga sangdong ka nung ashi.

Shisaliok jenjang ajungtsü, kaketshir angazükba aser sempet chichiba nung metettsü atema tsüngtong oa tatidang agütsüba ya lenmang tajungtiba lir. Asen temeket nung atalokbatem asenoki mangu amai metoktsütet. Nagaland University ajanga offline nung tatidang agitsü telemteba agiba anema Nagaland tesem ajungalen nungi kaketshir noklang aikati anogo ishika longkak aita arur, ta NSUI Nagaland ajanga ashi.

Online campaign tem nungi tenzüka tangbo kaketshirtem temai adoka par tebilemba lemsateper. Parnok asoshi tajungba ta amanga parnoki lemsatepba asenoki züpa-züyüma mereprangtsüla.

Nagaland tesem ajungalen

nungi kaketshirtemi timtem ajuruba aser par tangatetba asadanga sülen NSUI Nagaland ajanga tebilemdangtsü kar benden. Parnoki akhangba kar junga asadangtsü nungdaker. Offline class tem ita ka shi ang agia arur aser ajia anogoshi masü anogo thia agir, ta ashi.

Online yimya nung class agiba mapang kaketshir aika pei yimtsüng nung liasü aser shishilempaba tesep, Dimapur aser state yimtiba, Kohima densema Nagaland tesem timba nung network kanga mejung lir. Iba yongji lesson sayuba nung timtem jenti ajuru aser syllabus tem merenemtet, ta NSUI ajanga ashi.

Yimya agi academic session ung semester shia ita trok latetja lir, saka tangbo semester ka atema ita pezü dang angur. Ajidang masü tatidang agitsü routine ya kanga jongdak nung sangdongba ajanga kaketshirtem mangmager, ta ashi.

Ano külen subject tem tetsüngta mali, anungji tang tensa agi tekolok shisatsü anibelemmer alidak ano khuret tali agütsü.

Semester tembangba tatidang tonga arur aser kaketshir noklang aika kilong nungi adoka longkak aitba mapang ketdangsürtem sübo-süyüma malitsüla. Tatidang agitsü atema sangdongba Point 3 nung tensa apir aser State/Central Government totuyuba tem nung ajemdaker anogo mesüra tatidang yimya melenshitsü Controller of Examinations dak tashi lir, ta jangja-jangja shia lir.

Anungji NSUI Nagaland ajanga Nagaland University ketdangsür dang tensa süoki ia asadangtsü aser kaketshir timtem angadanga kaketshirtem asoshi tajungtiba inyaksü mepishir, ta kasa sangdong ajanga ashi.

Tanü Chumoukedima Ao Lanur Telongjem tentetba anogomung amungtsü

Dimapur, Yimpoksüi/Nov. 26 (TYO): Chumoukedima Ao Lanur Telongjem tentetba anogomung November 27, 2021 anepdang 10:00 ako nungi tenzüka Hills View colony, Chumuokedima nung I Nungsang Jamir kidang amungtsü, ta sangdong ka

ajanga ashi.

Iba sentong nung Padma Bhushan Dr. S.C. Jamir aser Toshitsungba Aier, IPS (Retd) nati tajungshi o jembitsü.

Iba sentong nung züngsem arishi küm 25 nungi 50 tashi asen Aor sübotsü sübor arutsü ayongzüker, ta sangdong ajanga ashi.

Advisor Khehovi-i Hornbill Festival 2021 indang lemsatep

Dimapur, Yimpoksüi/Nov. 26 (TYO): Advisor, Tourism aser Art & Culture, Khehovi Yephthomi-i November 26, 2021 nü 13th Legislative Assembly indang Session 9 buba nung jembiba mapang Hornbill Festival 2021 dak sendakba nung onük kar lemsatepa liasü.

Tesüiba küm 21 tsüngta Hornbill Festival nung Nagaland indang sobaliba tabu balala alima dang jangratema sayua aruogo aser iba ama benjongmung ya alima nung kanga ajema lir, anungji alima tesem ajunga nungi iba benjongmung nung adeni arur tejangraba lidaksür, ta pai ashi.

Hornbill benjongmung ya küm shia lokti adenshia sobaliba inyaksangshi nung benjongtepba kisüng masü saka aser Naga nung sobaliba tajung aser ayak ajangshiba den külemi nüburtem rongsenketzüng lenmang tali tesadamba lapoktsür, ta pai ashi.

Sentong yanglua asameyangba nungi iba Hornbill benjongmung ajanga tourism trade aser hospitality sector, hotel aser restaurants, tourist taxi drivers, tour operators, tour guides, photographers, videographers, creative artists, IT tsütsü mongintem, entertainer, local craftsmen, ola-

angla amshirtem, chiyongtsü yanglua agütsür, Self Help Group amala nem lenmang tajung lapoktsür, ta Advisor Khehovi-i ashi.

22 buba Hornbill Festival 2021 amungtsü aliba dak sendakba nung pai ashiba agi, State Tourism Department ajanga tourism dak sendakba nung takoksa aluba ajemdaksütsüsa inyaksü, tourism service provider aser hospitality sector ajungmesotsü aser kasa mapang COVID protocol amshitsü aser raliwalir timba arua rongsenketzüng nung ajangzüksü, ta pai ashi.

Yimya tasen amshia nübur timba nem iba benjong indang angashidaksütsü Department teimla lir aser kasa mapang Hornbill benjongmung nükjidong ataloka local artisan/artist/textile industry/agro & allied sector tem tali ajungmesotsü aser employment adoktsü maangka agütsütsü, ta paisa ashi.

State Tourism Department den Nagaland sorkar lungjemer 9 buba International Tourism Mart (ITM) sentong ya November 27 nungi 29, 2021 anogotem amungtsü renema lir, ta pai ashi aser ajak dang 22 buba Hornbill Festival 2021 nung adentsü jaoka liasü.

ASLB-i ayongba Ao Arangtet tatidang takok ngua agiogo

Mokokchung, 26 Nov (TYO): Ao Senden Literature Board (ASLB)-i Ao Oshi tejakleni renloka aoba den zülumen lirumedema aotsü nükjidong yur mapang shia ayonga agiba Ao Arangtet Tatidang (Ao Language Proficiency Examination 2021) Mokokchung, Kohima aser Dimapur centre asem asem nung takok ngua agiogo.

Taküm course balala nung iba tatidang agütsür kaketshirtem; Mokokchung centre nung nisung 73, Dimapur centre nung 11 aser Kohima centre nung 9. Tatidang agütsür

ajak senteper parnok 93 aser item rongnung tetsür 66 aser tebur 27 liasü.

Mokokchung centre-ji GMS Senkalemba Arkong Ward nung, Dimapur centre-ji Mission Hr. Sec. School aser Kohima centre-ji KABA Changmari Fellowship SS Hall nung agia liasü.

ASLB Academic Council Convener Prof. Rongsen Longkumer-i anir centre ajak nung tesayur shirnokisa iba tatidang nung yaritepogo, parnok ajak dang pelaba ASLB mendenbuba Dr. L. Temjen Jamir aser tezülur I. Temjen Tzüdir nati metetdaksü.

Fazl Ali College ajanga SSR documents album sayaogo

Dimapur, Yimpoksüi/Nov. 26 (TYO): Fazl Ali College, Mokokchung indang Internal Quality Assessment Committee (IQAC) ajanga Self-Study Report (SSR) document ter aliba album ka November 25, 2021 nü sayaogo, ta sangdong ka ajanga ashi.

Iba album ya Fazl Ali College indang vice principal, Arenla Aier-i tesayurtem matsüngdang sayatsü.

Iba album nung "Policy Documents - Enterprise Resource Planning", "Cultural Survival Mission", "Standard Operating Procedures",

"Organogram", "Administrative Manual", "Institutions Performance", "Annual Administrative Report (5 years)", "Code of Conduct" aser "Environment Promotion Activities" amala document tem keta lir, ta sangdong ajanga ashi.

**GOVERNMENT OF NAGALAND
DIRECTORATE OF A.H & VETERINARY SERVICES**

NAGALAND: KOHIMA

ADVERTISEMENT

NO. VET/PLAN-NLM(GEN)/5/2020-21

Dated Kohima, the 22nd Nov. 2021

Government of India (GoI) has approved a new sponsored scheme National Livestock Mission for implementation during 2021-22 to 2025-26. The objective of the scheme is to support entrepreneurship development for rural poultry, sheep and goat, piggery, feed and fodder and also improvement of breed of sheep, goat and as well as fodder production. The scheme is being implemented by Ministry of Fisheries, Animal Husbandry and Dairying, Department of Animal Husbandry and Dairying. The scheme Guidelines were issued vide OM dated and has been made available at www.dahd.nic.in.

2. As per the requirement under the scheme, the Department of A.H & Veterinary Services, State Government of Nagaland invites applications from individuals, FPOs, JLGs, SHGs and section 8 companies for availing benefits under the Entrepreneurship programme for establishment of the following projects:

- a) Rural Poultry Entrepreneurship Model for establishment of parent Farm of 1000 birds of Low Input Technology. Hatchery for production of chicks and brooder mother unit for brooding and rearing of the chicks.
- b) Breeding of sheep and goat of 500 females and 25 male for production of kids/lambs
- c) Piggery Breeder farm of 100 sows and 10 boars for production of piglets and fattening of piglets
- d) Feed and Fodder entrepreneurship for establishment of silage making unit. Fodder block making unit and FMR plant.

3. The detail of projects, eligibility criteria, list of documents eligible for funding has been annexed at Annexure I.

4. The Eligible Beneficiaries who are fulfilling the criteria under the scheme. Shall apply through the online portal www.nlm.udyamimitra.in though a form for application and required a document which has been provided at Annexure III. The last date of submission of expression of interest is from the date of publication.

5. The offer for EOI shall be valid for a period of 45 (forty five) from the date of publication, initially which may be extended if required by the department.

6. Evaluation criteria has been provided at Annexure I. The EOI will be screened and evaluated for short listing inter alia based on their eligibility conditions and verifications. Agencies/ Individuals who qualify and short listed. However subsidy will be provided depending on the budget availability under NLM scheme.

7. Where there is any indication that a conflict of interest exists or may arise, it shall be the responsibility of the Eligible Entity to disclose and inform the State Implementing Agency detailing the conflict in writing as an attachment to this document. State Implementing Agency will be the final arbitrator in case of potential conflicts of interest. Failure to notify any potential conflict of interest will invalidate the application.

8. The EOI is an offer and is issued with no commitment. State Implementing Agency reserves the right to withdraw EOI and or vary part thereof at any stage. The State Implementing Agency further reserves the right to disqualify any applicant should it be necessary at any stage.

Sd/-
DR.HOKHETO Z. KIBA
Addl. Director & HoD
A.H & Veterinary Services
Nagaland: Kohima

Note: The Department of Animal Husbandry, Government of Nagaland or any of its designates reserves the right to cancel the request for EOI and/ or invite fresh with or without amendments, without liability or any obligations for such request for EOI and without assigning any reason. Information provided at the stage is indicative and the Department reserves the right to amend / add further details in the EOI.

Issued by DIPR

**GOVERNMENT OF NAGALAND
DIRECTORATE OF TECHNICAL EDUCATION**

NAGALAND: KOHIMA-797004

NO.DTE/ESTT-NP-13/2017/

Dated, Kohima the 26th November, 2021

NOTIFICATION

In pursuance of Government Approval No.HTE/TE/8-12/202, Dated, 25th November, 2021, the applications in plain paper are hereby invited from the interested candidates for temporary engagement against the posts mentioned below on Scale Pay for a period of 1(one) year or till such time the posts are filled up on regular basis through Nagaland Public Service Commission(NPSC) or whichever is earlier in respect of the posts serial number 1 to 16. The MTS post at Serial no. 17 shall be done through Departmental Recruitment Board (DRB)

The application should accompany with 2(two) recent passport photograph, Educational Qualification Certificate from Class 10 onwards and the same should be submitted to the office of the undersigned on or before 10th December, 2021.

SINO	Name of posts with subject	No. of Posts	Pay Level Matrix	Minimum Eligibility criteria
1	Lecturer in Physics	1	Level-13(Rs.56100-177500)	M Sc in Physics with Pass percentage as 55%
2	Lecturer in Mathematic	1	Level-13(Rs.56100-177500)	M Sc in Maths with Pass percentage as 55%
3	Lecturer in Chemistry	1	Level-13(Rs.56100-177500)	M Sc in Chemistry with Pass percentage as 55%
4	Lecturer in English	1	Level-13(Rs.56100-177500)	MA in English with Pass percentage as 55%
5	Lecture in Civil Engg	3 nos	Level-13(Rs.56100-177500)	BE/B.Tech in Civil Engg with First Class
6	Lecturer in Computer Engg.	5 nos	Level-13(Rs.56100-177500)	BE/B.Tech in Computer Engg with first class.
7	Lecturer in Mechanical Engg	2 (Two)	Level-13(Rs.56100-177500)	BE/B.Tech in Mechanical Engg with First Class.
8	Lecturer in Electronics & Electrical Engg	1(One)	Level-13(Rs.56100-177500)	BE/B.Tech in Electronics & Electrical Engg with First Class
9	Lecturer in Information Technology (IT)	1 (One)	Level-13(Rs.56100-177500)	BE/B.Tech in IT with First Class.
10	Demonstrator in Civil Engg	1 (One)	Level-8(Rs.28700-91300)	3 years Diploma in Civil Engg.
11	Demonstrator in Computer Engg	2 (Two)	Level-8(Rs.28700-91300)	3 years Diploma in Computer Engg.
12	Demonstrator Chemistry	1 (One)	Level-8(Rs.28700-91300)	BSc Chemistry(Hons).
13	Demonstrator Physic	1 (One)	Level-8(Rs.28700-91300)	BSc Physics(Hons).
14	Demonstrator Welding Shop	1 (one)	Level-8(Rs.28700-91300)	HSLC with ITI Certificate in Welding
15	Demonstrator Carpentry Shop	1 (one)	Level-8(Rs.28700-91300)	HSLC with ITI Certificate in Carpentry
16	Demonstrator Electrical Shop	1 (one)	Level-8(Rs.28700-91300)	HSLC with ITI Certificate in Electrician
17	Multi Taking Staff (MTS)	3 (Three)	Level-1(Rs.15500-49400)	Open

Er. M.Nakro
Additional Director & HoD

Issued by DIPR

**Meghalaya Congress toktsüba
MLA temi nübortem ashioktsüogo**

Shillong, November 26, 2021

(Agencies): MLA 12-i Congress toktsür Trinamool Congress (TMC) nung denogo aser parnok Meghalaya nung ashioktsüogo ta Meghalaya Congress-i metetdaksü.

"Congress party toktsüba MLA temi state nung nübortem ashioktsüogo" ta Meghalaya Congress president Vincent Pala aser state party in-charge Manish Chatrath-i ashi.

"Meghalaya nung alirtemi Congress meimer aser iba jagi state nung single-largest party kümdaksü. Item MLA temi nübortem ashioktsüogo" ta Manish Chatrath-i ashi.

"2023 nung Meghalaya nungeri parnok nem tim telangzüba agütsüsü" ta paisa metetdaksü.

"Iba ya party tangatetba madak nija taginübatem atema inyakba lir. 2023 election atema onoki renemtsü aser talisa Congress toktsüba MLA tem toktepba constituency tem nung tokteptsü" ta Chatrath-isa ashi.

Brihostibar nikongdang taoba Meghalaya chief minister Mukul Sangma aser Congress MLA 11 tashi TMC nung anioka liasü.

"Iba ya Meghalaya nung atema tetenzük tasen ka lir. Iba ajanga state temaba jenjangi atutsü aser tarutsü tajung yangertsü. Meghalaya Congress nungi MLA 12-i Trinamool Congress nung adenba onoki pelashishia agizüker" ta TMC lenirtemi ashi.

"Onoki kanga bilemdangba sülen Trinamool Congress (TMC) nung adentsü lemtet" ta taoba Meghalaya chief minister Mukul Sangma-i ashi.

Congress party-i India ajungalen opposition party tongtipang mapa meinyaktet ta paisa tai tongloktsü.

"Onoki Trinamool Congress den lokteptsü lemtetogo" ta paisa shisem.

"Nübortem tenzüksü tangatetba nung onoki iba telemetba agi. 2018 Assembly elections nung onoki sorkar akümtsü ta temolung lema liasü saka mekümet. Ano, election agiba sülen ozü züngsemtem anir aotsü mapa inyak" ta Mukul Sangma-isa ashi.

"Onok Congress nung alidang opposition ka ama mapa meinyaktet" ta MLA Charles Pyngrope-isa ashi.

Nocte kin indang Chalo Loku benjung among

Itanagar, November 26, 2021

(Agencies): Arunachal Pradesh nung Brihostibarnü Nocte nung kin indang Chalo Loku benjung mongogo.

Tirap district indang headquarters Khonsa nung Forest and Environment Minister Mama Natung-i nübortem dang pei sobaliba aser inyaksangshi wazüksü, kümzüksü aser ajungkettsü ayongzük.

"Arunachal ya benjung lima ka lir aser asenoki cultural tourism ajungkettsü atema tangar dang asen sobaliba takar sayutsüla. Asen maitsü kümzüka ayutsü atema asenoki meranga inyaksüla" ta pai ashi.

Tirap nung alirtemi arem shiruru wazüka ayutsü atema 'Air Gun Surrender Abhiyan' kübok airguns agütsüba atema tenüngsang agütsü.

"Tamangba yimsü aser sobaliba ya khenyongi balala lir aser memeyokteptsüla" ta Pangin-Boleng MLA, Ojing Tasing-i ashi.

Paisa lanurtem dang sobaliba benjungtem nung shilem agütsü, taintem dang nungi angazüksü aser sobaliba wazüka ayutsü mapa inyaksü ayongzük.

Chalo Loku benjung atema Chief patron Borduria-Bogapani MLA Wanglin Lowangdong-ia o jembidang "Nocte nung atema Chalo Loku ya tsünisenbongtsü indang benjung tulutiba lir" ta ashi.

Sentong nung 53 buba Nocte Chalo Loku Celebration Committee president Lankham Wangsu-i benjung osang metetdaksü aser Thinsa, Noksa o Kheti nungertemi yartsüngsang ajanga shilem agia liasü.

Delhi Police-i mozü shibelener Kashim Ali apu

Guwahati, November 26, 2021

(Agencies): Delhi Police indang special cell-i drug mafia Md Kashim Ali puogo. Kashim Ali ya state balala nung ozüngi memelaba mozü shibelener tongti nisung lir.

Pai Manipur nungi Assam kübok Guwahati-i heroin bener arur. Paisa Manipur nungi West Bengal kübok Siliguri aser Malda-

i mozütem shibelener.

Ali aputsü atema Rs 1 lakh senpet agütsütsü sangdonga liasü.

"Delhi police indang special cell-i interstate drug cartel tanishir Md Kashim Ali puogo" ta Delhi police-i metetdaksü.

"Pai Manipur nungi Guwahati, Siliguri aser Malda-i miima heroin shibelen" ta parnokisa ashi.



Hokolbarnü Imphal nung Constitution Day 2021 sentong nung BJP President J P Nadda-i Ex-Servicemen den külemi agiba noksa angur. (Imphal, November 26)



TIR YIMYIM YIMOBILEM (EDITORIAL)

DIMAPUR

KÜPTOKNÜ

YIMPOKSÜI 27, 2021

Tesayur meyirijang ter talila !

Yashinep Nagaland nung adokba osang kakettem nung sangdongba taoksatsü osang kaji, Nagaland nung government school-tem nung tesayur talila meyirijang ka ta masü aser ana taka masü saka ter lir ta metetdaksüba osangji liasü. Ibaji tangari yimdong nung pei mulung nung bilemba agi olulu jembiba masü saka Nagaland tatar senden nung Chief minister-i metetdaksüba osang tejangja ka liasü. Ibaji kodang bilemdangdir, Nagaland nung jungjunga zünger government mapa manguba lanur meyirijang ter aliba dang nungibo mapa maka ser kaketreju nung tesayur talila meyirijang ter aliba tebilemtsüjisa tuluba asütsü. Tanü Nagaland nung zünger government mapa manguba lanur meyirijang ter dak tali lir, saka parnok jagibo government ser mapa meinyak ser angati mechitsür, saka tesayur meyirijang ter mapa maka, parnoki sayutsüsa kaketshir mali, ita shia angati sen agizüka chitsüba jagi Nagaland kanga akoksadagi. Atangji, mapa meinyak ser angati ita sen chia alitsüsa yanglutetba tensa tiaji tesayur meyirijang ter jagi yangluba masü aser parnok mapai aidanga angati ita sen chia alitsü tebilemba aser temulungtetba nung aibabo masütsü, saka item ajakji government maparen nung government mesüka inyakyim shitak inyaka maoba ajanga lir. Tang School Education department indang jembiba agi tesayurtem talila shimoka aliba indang jembir dang ashi, tanga department-tema aika nung mapabo mali, senotsüa maka saka teinyakertembo talila aika shimoka ayuba timtem ajurua alitsü. Iba jagi tanem tanemi tangbo deparment aika nung ita sen mapang shitak nung magütsütetba osang angashir. Ibaji meimlaba tatalokba ka masü saka tang amaisa mapabo maka aser asenoksasa bener aruba rongsena kecha maka ta ser, kecha inyakyim tebetet ka maka, ita sen chia yutsütsü atema government mapa nung nisung shimpet shima ora, tatamsa asenok ajak tuluka nung akoksatsüsa ataloktsü. Ano, tanü putu nungbo joko nisung melena machine agi, robot agi aser Artificial Intelligent agidang mapa ajak inyaka aoer, anungji akhidang nisung teri inyakba mapato tanübo nisung kati dang inyaker, anungji government mapa nunga nisung aikabo menügdaksüsa kümdagi. Iba ama putu ka nung, asenokbo nisung takutet ishikati asüng lenir aser takar akümtsü pur tanurtem dang parnoki metettsüba tim sayua, temetetba nung aser mapa inyakba nung, shitak sayua takidak akaba nisung kümtsütsü melen, kecha meinyak angati ita sen chia sayuba yagi tesayurtema azükaru masütsü aser tanurtema tajung makümtsü. Atangji, ita sen achirtem dang masü, saka government ita sen machirtemia, mapabo kecha meinyak ser manger sangwa nung takar küma sayur. Tarutsü Nagaland asoshi lendongji aji lir. Mapa meinyak ser chiyongba aser mapa meinyak ser takar akümba taküm aser kibongji pei lima aser loktiliba asoshi tajung tazü masü, parnok jagi loktiliba nung mepetmesü adokdaksütsü aser item kibongtem nung jagi, repranga lia, ashir auer pokteta lokti aser yimten amdaksütsü. Joko, iba loktiliba tensa tia jagi asenok tanem tanemi idagi. Ibaji meteta, talila memenudang, tangsa tang government-i department ajak nung inyakyim shitaki bener arutettsüla. Tesayur talila meyirijang ter mapa maka alirtem nemji mapa agütsütsüla aser kongsa mapa maka ser inyakertertem talila shimok lir, item nemjia government-i mapa agütsütettsüla. Tesayurtema sang, tanga department nung inyakertertema sang, government mapa nung inyakertertemji peisasa shimba purtem masü, ajakji pei pei department nung tokolak purtemi shimba purtem lir, anungji mapa meinyak ser ita sen achirtemji parnok tai masü saka teshimer tai lir, anungji teshimertertem jagi parnokji azünga melii inyaksüsa mapa agütsütsüla. Tanü asüngbo, government kaketrejitem nung inyaksü shimer tesayurtemji aika kanga junga azüngba aser tesayur mapa inyaksü asoshi jangraba lanurtema alitsü, ajisüaka asen government-i parnok nemji tesayudak class takdang magütsütetter. Item lanurtem asoshiibo mapa meinyak ser ita sen achibaji jangratemtsüka masü aser parnok aikati nümamedangteti bilemer. Joko, Nagaland ya school nung kaketshir mali ser tesayurtem angati ita sen chia aliba lima ka masütsüla aser tanga terenlok mapa inyakba department-tema mapa meinyak ser sen agizüka lemsaa agiba department masütsüla. Item tim masüba maparentem inyaka arubatemji tejen, tesempatsü aser asensasa asen ashiocksüba sobalibatem liasü ta rajemdi, anungji endokdi aser jokorla asenoka mapa inyakba taküm, mapa inyakba government aser mapa inyaker chiyongba aser yaritepba loktiliba ka kümdi.

OLEMSABANG

Tanü lokti temelenshi bener aruba nung pei- lokti jenjang reprangdangba (Introspection in bringing about a social change today)

S. Temjen Imchen, Jorhat, Assam

Okila:-

Tanü asen putu tensa nung Covid-19 wara ajanga, alima rangpen nung, lokti, kija aser kibongnung temelenshi balaka bener arutsuogo! Iba indang anogoshi asenoki kilong nung, lokti ajak nung jembir aser taneptsü lenmang bushiteper! Ajidang masü, asen meimchir temang anepaluba yimya (all-round healthcare system) nungatemelenshi tulu ka bener arutsuogo. Saka, iba temelenshiba nungji, meimchir timtim-toushi aser tasüba jenti ajuru-yonga odagi. Iba wara tesashi ya kodang-ang anentsüar ashitsü makok. Kesa mapang nungjisa alima aser lokti tulu-tila ajak nung corona wara mapang aser ano post-corona wara sülen kechi inyaksü ta shisatokden electronic media sabang balala namely: TV channel, webinar, WhatsApp group, Facebook ajanga shilem jenti agiba angur. Item sabangtem nung jembiba nukjidongji kudasür asen lokti takutsüngen (social rejuvenation) bener arutsü ibaji ka lir! Terajemba nung angatetsü mechinung asen Aor lokti nunga nukjidong tajung yur shisadanger aser inyaksu mulungteter ibaji tatsü agi reprangdangdi. Temelenshi asoshi kechisa lemsatepdir mesüra jembidir, ibaji tajung. Saka, kechi onüktemsajembidir jembiang, ibaji ochi mulungsentsu agi, asen telongjemba aser terenlok nung aotsü nukjidong yur lemteptsula aser yamaji inyaksu junger ta bilemer. Electronic aser social media sabang balala nung teintetbor telok, lanu-asensor telok aser lokti tentet balalai asen lima nung temelenshi ka bener arutsü mechi nung meranga inyaktepba indangji ken reprangdangdi aser nisung shia shilem kechi, ibaji tatsü agi shisadngdi.

Electronic media nung lanurtem aser tainbor sensaksem akaba nukjidong

Lockdown mapang nung television (tv) channel, Facebook group, Webinar, WhatsApp amala nung telok-telok tenteta alima nung temelenshi bener arutsütsüba indang onük jenti lemsatepba angur. Alima aser lokti osangtsüsang angudak sabang (social media) nung o-lemsatep akaba nukjidongji corona wara aser lockdown-i bener arutsüba temelenshi balaka indang jembir. Yimya agi, micro-social media platform/WhatsApptelok ka nung züngsem 10, 20, 50, 100, 200 aser iba tema agi tenteta amshir. Ni-a iba ama lokti ishinaka ka nung tena lir. Ano, asenok Aor züngsem dang aliba teloka jenti lir. Iba nungji teneranogoshi alima nung tatalokba otsü, kiji-kina, kiyonger, kinunger, aser medemertem osangyak-yakta agitepa aoer. Social media nung anguba osangtem den, ano maneni anogoshia mesüra mapang aben, iba sabang nung onir-i tongtipang onük ka-ka benoka o lemsateper. Iba social media telok ya 2020 national lockdown mapang nungi tenzük aser tang tashi aoer. Iba sabang nung tashitemeteter aika lir: secular teachers and theological educators, journalist züngsem tajung ka-ana jika, yimten-yimli lenir kar, mungdang aser arogo nung tenzük, missionaries and freelance evangelists, mungdang aser arogo tenzükba mapa nungi sodi agir alirtem (retired persons), item amala nubor densema anogoshiazüngsem kari/onir-i benokba onük ajakji tatsü-talang ajakji jangratema o-katüper/lemsateper. Iba Whatsapp group nungji tongtipang telok ana tena lir. Itemji: lanu-asensor telok (youthful members) aser tainbor telok (seniors). Tatsü agi iba telok ana indang ji ajidangdi.

Lanu-asensor teloki social media nung lokti temelenshi indang lemsateper

Tanü asen chirnurtem - talisa lanu asensortem lokti osangtsüsang angudak sabang (social media) nung mapang timba indokba angur aser jembir. Lanurtem group discussion koba social media sabang nung agir ibaji group analytical approach tsütsü nungi angatetsü meranger. Social media impact indang before covid-19 tensa nunga tebilemtsü ka amai jembia aru. Jebnüa alidang maoktsü ama, covid-01 aser covid-02 jagi social media platform amshibaji 'new normal' yimya ka amai kümdaksüogo. Idakji mapa tajung asertamajunga lir sudi. Tajungji ya -school aser college student ajak online-class iba sabang ajanga agir. Iba nung assignment/homework kaketshiri inyakbaji information technology (IT) madak tongtipang terenlokakaba kaji asütsü. Tesayurtem-ia computer aser Whatsapp anapronglaji evaluation mapa atema amshir. Asenoki dang social media-nung mapang shitak amshitetra, information technology ajanga lockdown mapang tajangzük tulu bener arutsüba asenok tenuk kuli. Joko, IT terenlok aser electronic gadgets mekai asenok taküm melitetsü sudi. Kopika yamai aotsü asenoki tang, tangbo meshitet! Saka, kümdanga lia asen taküm kümzüktsüla! Asenoki metet, IT terenlok nungji social media platform balalatemji sentaka lir. Ibaji majung ta meshitetsü! Saka ya shiteter - mapang esap mesüi amshiba ibaji tai!!! Asenoki ibaji meteta lir aser anosa asen chirnur aser lanurtem dangsayu-bentsu asütsü asenok tsürabor aser tesayur shilem sudi.

Iba putu tensa asen lanur-asensor telok dak aketba yimya aser jaklaliro tajung kaji ya lir - kechi osang ngudir aser onük jembidir, parnoki yak-yakta dang lokti sabang nung lemsateper. Asen chirnuraser lanurtemji takotet tazünger tasa. Social media ji ajaki amshir. Talisa, high school nungi tenzükba college students tashi; Government officials, tesayurtem, Govt servants, doctor aser nurse tem, sepoytem, NGO staffs, frontline workers, common citizens, item telok ajaki pei nungdak nung amshir. Tanübo phonecall masü, Whatsapp messaging ang tekaratiba aser temelaba amai amshir. Ibaji cost-effective aser kanga tezüba.

(Maneni asüng adok nung...)

**Iba Olemsabang nung lemsaba ken-o aser shisatsü ya iba ocet züluri
bilemba ken-o ama tazünger angateta agitsü mepishir**

Caritas Bangladesh teloki Golden Jubilee benjung tenzükogo



November 25, 2021 nü Chittagong nung Khristan tentet- Caritas Bangladesh-i Golden Jubilee mong tenzükba yimdong süa jajaba noksa nung angur.

Dhaka, November 26 (Agencies): November 25, 2021 nü Chittagong nung Khristan tentet- Caritas Bangladesh-i Golden Jubilee mong tenzükba yimdong süa jaja. Caritas Bangladesh küm 50 ajungba golden jubilee mong ya taküm October ita tashi amongtsü.

Jubilee mong tenzükba parnoki linük wako aser Caritas wako asong, balloons aser posü yima yok, süngdong atem, Photograph gallery semzük, candle tsüklok, sarasadem aser sobaliba sentong balala agiogo.

Iba sentong nung Khristan lenirtem- Cardinal Patrick D' Rozario, Ramen Bairagi, Bejoy D'Cruze, Lawrence Subrata

Howlader aser Caritas executive director Sebastian Rozario nung aden.

Caritas Bangladesh-i taoba mapang Pakistan kübok alidang 1967 küm branch tenzükba liasü, iba sülen 1970 küm yipru tesashi lendong atalokba sülen tzüyimkümlen alirtem yaritsü atema officail süa Caritas telok tenteta liasü.

Tesüsa 1972 küm June 19 nü People's Republic of Bangladesh sorkari iba telok agizükba liasü.

Tang Bangladesh nung Caritas teloki sub district 187 aser linük nung district 64 aliba nungi district 53 nung nübur tenzükba wadang inyakdar. Caritas Bangladesh indang

national office in Dhaka yimti nung lir aser regional office-a 8 lir.

Linük nung Caritas teloki project 112 inyakdar aser ibaji ajanga nisung million 1.6 shi tajangzük angur. Parnok meyong training centers 10, cyclone centers 248, technical school 11, tuberculosis centers aser leprosy treatment centers 32, drug treatment center ana aser daycare centers 36 lir.

Program director, James Gomes-i, "Onoki shisaliok temeden aser lisopur taküm jenjang ajungkettsütsü atema inyakba den külemi tzü-mopung kümzükba ayutsü aser terenlok atema inyaker," ta metetdaksü.

Kayah state nung Myanmar sepaitemi Arogo anema inyaker

November 26, 2021: Myanmar kübok Kayah state nung sepaitemi Khristan putir ki aser Arogoi ketdangsuba clinic ka mita aoba mapang nung healthcare workers 18 apu.

November 22 nü sepai aser police 200 shii Kayah state yimtiba, Loikaw nung aliba Christ the King Tenla ki mita aoba den Arogoi ketdangsuba Karuna (compassion) clinic aser putir ki mita ao, ta Arogo lenirtemi metetdaksü.

Sepaitemi clinic nung amonger shirangertem ajak kimai ayazükdaksü aser doctor pezü den nurse tem, pharmacists aser volunteers densema healthcare workers 18 apuba den medical osettem bener ao. Putir ka aser nun anati parnok meina police station-i ao.

Osangbener den jembidang Arogo lenir kati, "Sepaitemi putir ki densema Arogo kiojentem asemen tashi mita ao," ta metetdaksü.

Sepaitemi anepdang 9:00 ako nungi nikongdang 4:00 ako tashi Tenla ki compound nung aliba kiojen ajak mita ao aser social communications officer

meyong office kakkoka liasü.

Loikaw Arogo nung chancellor, Soe Naing-i, "Onoki nübur tenzükba mapa inyaker aser ozüng alema kecha meinyaker. Ajiüska kechiba parnoki Arogo meyong kiojentem mita aruar onoki memetet," ta metetdaksü.

Taküm May ita nungi tenzükba Myanmar nung Khristan nütsüng aika aliba Kayah, Chin aser Kachin state tem nung sepaitemi Tenla ki aika raksatsüogo.

Sepaitemi mita aoba ajanga shirangertem aser Tenla ki compound nung jenoka alir internally displaced persons (IDPs) kanga aoksatep, ta paisa metetdaksü.

Khristan nütsüng aika aliba region nung sepaitemi civilians tepseter, ki rongdoktsür aser nisung aika apur, ta Arogo lenirtemi metetdaksü.

Tawa democracy pusemer telok balala aser sepaitem tsüngda rara ajanga Khristantem densema nisung 100,000 dak temai pei ki toktsür jenshiogo, ibayongji Arogoi timtemertem nem chiyungtsü

densema teyari balala agütsür .

Tang Arogotemi pei ki toktsür ajener 70,000 nem health services, chiyungtsü aser apen-süoshi agütsüdar, ta putir kati metetdaksü.

Tesüiba ita pongu tsüngda sepaitemi iba Arogo kübok Tenla ki pongubo raksatsüogo, ta parnokisa metetdaksü.

Kayah state ya kanga tezülen lir, aser Buddhist nütsüng timba aliba linük süaka iba state nungbo Khristan nütsüng timba lir.

Chin state nunga Chin National Army aser local resistance group Chinland Defense Force (CDF) nati sepaitem anema maneni raradar, aser ibaji ajanga nüburtem kanga timtemer.

Chin National Army aser Chinland Defense Force (CDF)-i sepaitem amaker saka yangji alirtem civilian tembo lendong nung yutsür, kechiyong kobi melii sepaitemi yimtsüngtem nung yimdaklirtem nem timtem maneni agütsütsü ta bilemer. Rara ajanga nisung meyirjang aika India arrtsüleni jena ogo.

ANOGO ABEN TSÜNGREM DEN

Khristan ka mapa

Saka nai ajak nung teshisadangba liang, timtem aremang, sayutsüngir mapa inyakang, ne tenzükba mapa abensaang. 2 Timoti 4:5

Pauli Timoti dang Tsüngrem O sayutsü renema alitsü ashi (t.2). Peteri pa shiti azünger dang na atema osang agütsütsü renema alitsü indang ashi. Pauli Khristan shiai mapa pezü asoshi renema alitsü ashi. Mezüngbuba, mapa ajak nung teshisadang liang. O tanga ka nung, "yi agi temesep... saka tanela agi sünga liang" (Efesa 5:18). Teshisadang liang tetezü ochi nung teti renema alitsü indang ashiba. Tanabuba, timtem aremzükang ta ashi. Timothy sayutsüngi dang timtem ajurutsü ta Pauli ashi (2 Timoti 3:12). Saka odang aremzükang ta ashi. Tasembuba, sayutsüngir mapa inyakang aser Pezübuba ne tenyaba mapa abensadakjang.

Iba tajungshiba ya Timothy aser sayutsüngirtem atema dang asenoki bilemstü akok saka ibai tanü asenok asoshi lir. Tsüngremi Khristan shia nem teinyaktsü mapa agütsü aser asenoki aji kümdanga aser tamang katetta inyaktsüla. Ibai tila tanurtem den inyaktsü akok mesüra Sunday School tesayur mesüra choir nung atentsü akok. Ajaki pei ataba mapaji sayutsüngir mapa ama inyaktsüla. Iba tetezü town ka nungi town kati, yimtsüng ka nungi yimtsüng kati oa osangtajung sayutsüngir ama sayutsüngitsü ashiba masü. Iba tetezü na taküm ali tashi Khrista ne dak ngudakja alitsü ashir. Ano iba tetezü nai ne tamang kibong nung, medemertem den aser külem mapa inyaker tem den lemsateptsü ashir. Ne O tem jagi mekümszüki alirtem parnok taküm teti taküm daki melenshitsü akok.

Oba, Nai kü nem Ne O tangar den lemsateptsü tenzükba mapa agütsü nung Ne tenüng asanger. Amen.

India nung pastor temi tesünep raksatsür ta aija pastor 16 apu

November 26, 2021: India melamela akoktsü ta parnoki nung pastor temi tesünep bilemer," ta ashi.

raksatsür ta tai tonglokja Ghonda ka shi lir sülen November 13 nü pastor 16 apu; police arua tensa azüoktet Hindu yimsü alia amangertemi liasü, ajisüaka police-i Pastor pastor ka azükba dak sendakba Chandrakanth-i tesünep nung pastor tem jagi sorkar raksatsür ta tai tonglokja pa office kati oa liasü, ta anema ken o ka benok aser International Christian Concern November 13 nü ken o (ICC)-i metetdaksü. angadangtsü atema magistrate matsüngdangi arung, ta tuyua liasü.

November 7 nü Karnataka nung Pastor Chandrakanth leniba nung Khristantem tekülem sentong tagidak mapang nung Hindu nung 40 shia arua timtem agütsü.

Hindu nung eremtemji tekülem ki telungi ait aser pastor dak azüktsü merang, saka Arogo züngsemtemi Pastor Chandrakanth longbanger kümzük.

ICC den jembidang pastor-i, "Khristantemi ni longbanger ni kümzükba liasü, mesüra parnoki ni tepseter lila. Hindu yimsü alia amangertemi iba tesem nung Khristan yimsü meshimeshia samadaksüner aser BJP sorkar kübok ibaji tamajungba inyaktsü.


OLONG PAITEP # 6009

	1				2			3		4
5								6		
7			8							
							9			
		10								
11										12
					13					
					14					
15										
					16					

- | | | | |
|-----------------------|-------|-----------------------------|-------|
| TIPILEN | | LANGTSÜNGLEN | |
| 1. Balaka | - (5) | 2. Hai sür inyak | - (4) |
| 6. Aika shirangba | - (4) | 3. Aor tenüng ka | - (6) |
| 7. Tar tatsü | - (6) | 4. Ali telungi talangka lur | - (5) |
| 9. Nenü'er jabaso | - (4) | 5. Tebang kenyongi mazüoker | - (4) |
| 10. Sen latettsüba | - (7) | 8. Ken atema anenzükertem | - (5) |
| 11. Tangar kübok alir | - (4) | 9. Toktepa noktak | - (5) |
| 14. Lon nung inokba | - (6) | 10. Sen | - (6) |
| 15. Tzü ayimdak | - (4) | 11. Benjong agi | - (5) |
| 16. Ajok | - (5) | 12. Telung nung rizünga ayu | - (4) |
| | | 13. Tebang nung enok | - (4) |

OLONG PAITEP # 6008 TELANGZÜBA

- | | |
|---------------------------------------|--|
| TIPILEN : | LANGTSÜNGLEN : |
| 1. Aben, 4. Artsü, 7. Lisem, 8. Liwa, | 1. Aruli, 3. Balala, 5. Suwar, 6. Belem, |
| 9. Sarasadem, 12. Aket, 14. Mangu, | 9. Sүjak, 10. Aonung, 11. Dokan, |
| 15. Anünü, 16. Ango. | 13. Tinu. |



TANÜBO NAI LANGZÜANG

Q. Personal Data Protection (PDP) Bill 2019 nung Joint Parliamentary Committee indang Chief ji shiba?
 [A] V Muraleedharan [B] N Ravi
 [C] P P Chaudhary [D] S Jaishankar
 (Taruba adok nung onoki langzүtsü)
YASHI ADOK TELANGZÜBA: Doordarshan

AO OSHI ANGAZÜKDAK:
TANÜ ANGAZÜKTSÜBA OJANG

Lepzük
 (v) nok agi leper agizük (cut off by dao)
 * Ozü tsüki nung ni' somomo temang ka lepzük.  Tir Yimyim

Lepzükben
 (adv) tang lepzükli (freshly cut)
 * Tanurtemi süngdong kosang lepzükben agi ki ka yanglu.

Tanur asoba anogo nung salem osang den noksa angati adokdaksünüra - Tenüng, Küm, School, Talidak & salem osang tejangja zүlur, noksa (photograph - any size) ka den anogo 3 mesüra 4 jelia e-mail : tiryimyim@gmail.com nung yokang mesüra Tir Yimyim bureau tem nung agүjang.

NAI-A YA METETTER MA

- Taoba Mapang 'November 27' Anogo Asor Tongtibang Nisung Kar:**
- Swedish astronomer/inventor of the centigrade thermometer Anders Celsius (1701)
 - Writer Gail Sheehy (1937)
 - Actor/martial arts star Bruce Lee (1940)
 - Olympic gold medal-winning sprinter Henry Carr (1941)
 - Rock and Roll Hall of Fame member Jimi Hendrix (1942)
 - Actor James Avery (1945)
 - Film director Kathryn Bigelow (1951)
 - Indian music director Bappi Lahiri (1952)
 - Actor Curtis Armstrong (1953)
 - Bill Nye "The Science Guy," (1955)
 - Taoba US Tir, John F. Kennedy'er jala Caroline Kennedy (1957)
 - CMD, T-Series Bhushan Kumar (1977)
 - Indian Cricketer Suresh Raina (1986)
 - Actor Aubrey Peebles (1993)

SUDOKU # 6050 **TELANGZÜBA # 6049**

		5	7					9	5	7	2	1	8	6	4	3
8			1	6	7	4		1	8	3	5	6	4	9	7	2
	4	9						4	2	6	7	3	9	1	8	5
1				3				3	1	5	8	7	6	2	9	4
5	2				4			2	6	9	4	5	3	7	1	8
3	9				5	8		8	7	4	9	2	1	3	5	6
4						2	7	5	3	8	6	9	7	4	2	1
				8	5			7	4	1	3	8	2	5	6	9
	6				9		3	6	9	2	1	4	5	8	3	7

OJANG LUTEP # 5606

TÜAN	:	<input type="checkbox"/>	<input type="checkbox"/>	<input type="checkbox"/>	<input type="checkbox"/>				
TEAAM	:	<input type="checkbox"/>							
DNGA	:	<input type="checkbox"/>	<input type="checkbox"/>	<input type="checkbox"/>	<input type="checkbox"/>				
ESÜMI	:	<input type="checkbox"/>							
ASRUTTÜ	:	<input type="checkbox"/>							
JGBTAAUN	:	<input type="checkbox"/>							
SSHOIA	:	<input type="checkbox"/>							
SSDHNGIAAA	:	<input type="checkbox"/>							
IATSNYÜK	:	<input type="checkbox"/>							
NGERAAMNG	:	<input type="checkbox"/>							

OJANG LUTEP TELANGZÜBA # 5595

**AREMZÜKA INYAK NUNG AJUNGTSÜBA SERNUNG
 KHEN MEBILEMDANGI INYAKER ASÜDANG AKOKSAR**

TAN HOPTA ATEMA - KOMA SÜLA ?

Q. Asen lima nung 'Clean Election' indang ya kenyongi mejembi aser meinyak nunga koma süla ?

India-i Pak dang Mumbai amakba ken o bentettsü akhanger



2008 küm kiralongrartemi Mumbai amakba sülen küm 13 ajungba anogo nüburtemi Gateway of India, Mumbai nung placard amer asürtem nem tetushi agütsüba noksa nung angur.

New Delhi, Yimpoksüi/ November 26 (Agencies): India-i Hokolbarnü Pakistani High Commission nung diplomat tejen ka jaoka, 26/11 nü kiralongrartemi Mumbai amakba ken o takaratiba nung bentettsü atema jenjang agitsü metetdaksüba den iba lendong nung linük 15 nungi asür nisung 166 kinungertem obendang ka atadar, ta ashi. Iba lendong ataloker Hokolbarnü küm 13 jungogo.

Ministry of External Affairs (MEA)-i, Pakistan dang parnoki nangazükba ama

inyaksangshitsü aser parnok tazüokba kübok aliba kiralongrartemi India anema inyakba nokdangtsü shiogo. "India-i kiralongrartemi Mumbai amakba ken o takaratiba nung bentettsü akhangba den Pakistan sorkar dang parnoki nangzükba ama parnok tazüokba kübok aliba kiralongrartemi India anema inyakba nokdangtsü asoshi takhangba ka pa nem agütsüogo," ta MEA-i ashi.

"Küm 13 sülena linük 15 nungi iba lendong nung asür nisung 166 kibongtem tang tashi

ken o mejangjai lir aser Pakistan-i aibelena alirtem obendangtsü atema süoki ia agiba mesayur," ta MEA-isa ashi. MEA-i ashiba agi, Mumbai amaktsü atema Pakistan litsü nung tasa asar benoka inyak. "Maneni onoki Pakistan sorkar dang aibelena alirtem takaratiba nung obendangtsü ayongzükur. Iba ya asür kibongtem nem Pakistan-i telangzüba agütsütsü nüngdakba ken o ka dang masü saka international tinyaktsü ka lir," ta MEA-i ashi.

India-i maneni asür kibongtem nem ochi obendanga agütsütsü atema inyaktsü, ta MEA-i ashi. "26/11 nü Kiralongrartemi Mumbai amakba sülen küm 13 ajungba anogo sorkar aser India nungertemi iba lendong nung asürtem aser asenok taküm kümzüktsü atema pei taküm bendanga agütsüba security personnel tem menungra bileteter," ta MEA-i ashi.

2008 küm November 26 nü Pakistan nungi Lashkar-e-Taiba kiralongrara 10 arua Mumbai amak aser iba mapang security personnel 18 densema nisung 166 tepset aser nisung aika yiruja liasü.

Sonia, Rahul nati Congress rally nung shilem agitsü

New Delhi, Yimpoksüi/ November 26 (Agencies): Congress party-i oset jenjang tali akümba aser inflation anema sentong balala benoka inyakba nung shilem ka ama December 12 nü public rally ka ayongzükba agiba mapang Congress tir Sonia Gandhi-i shilem agitsü.

Congress tir aser party-i, oset jenjang timba akümba aser inflation' dak sendakba nung nüburtem nem tangazükba agütsütsü nükjidong nung December 12 nü Delhi nung "Mehngai Hatao rally" ka ayongzükba agitsü telemtetba agiogo, ta AICC general secretary KC Venugopal-i ashi.

Iba rally nung Congress tir Sonia Gandhi taoba party tir Rahul Gandhi aser linük kübok tesem balala nung tanga Congress lenirtemi shilem agitsü.

"Iba ya Modi-i aniba sorkar nem rakzürakdem anentsü aser oset jenjang tali akümba

ajemtsütsü atema tekümdangtsü metetdaksüba ka asütsü. Modi sorkari masetshi tashi onoki maneni nokdaksü," ta pai ashi.

Congress lenir-i, "Modi and 'Mehngai' ya nüburtem atema toushi ka kümogo aser tazüokba ka makai oset nung jenjang tali akümba aser inflation ajanga kibongtem rongsen aaba aser linük nung kibong ajak indang budget nung kongshiogo, ta ashi.

Pai ashiba agi, BJP sorkari oset nung jenjang tali ajungketba ajanga India nungertem tashitsü makai kangshitepar.

Kibong ajak indang budget nung kongshiogo aser nüburtem anogoshi alia chia ajemba chiyongtsütem alia achitsü tasak kümogo, ta pai ashi.

"Nüburtem tekangshi ya Modi-i aniba sorkari süoki ia magir. Electronic media kari pusema Modi sorkari nüburtem timtem tekangshi nung toktsüba ken o tem toktsür tamangba

yimsü dak ajemdaker telem dang adokdaksütsü atema dang jembir," ta pai ashi.

Congress-i oset nung jenjang tali akümba anema longkak aita arudar aser iba ya asadangshitsü khangogo.

Congress leniri ashiba agi, nüburtem dak kanga mejungi kongshiba ken o tulutibaji petrol, diesel aser cooking gas nung jenjang ajungketba ya lir, kechiyong iba ajanga chiyongtsü aser tanga osetem nung jenjang tali kümogo.

Pai, kibong ajak nung totzü, jangotsü aser tanga osetem nung jenjang atuba ajanga kanga mejungi kongshiogo aser India nung petrol aser diesel dang nungi tomato nung jenjang timba akümba ya tang mezüngbuba asütsü, ta ashi.

Maneni Venugopal-i, kisü dang amshiba oset; cement, iron aser steel nunga jenjang shilem 40 nungi 50 tsüngda timba kümogo, ta ashi.



Parliament nung 'Samvidhan Divas' sentong agiba mapang Tir Ram Nath Kovind-i o jembidang tatong tir Venkaiah Naidu, PM Narendra Modi, Lok Sabha Speaker Om Birla aser tanga lenirtemi anga ataba noksa nung angur.

Russian tir Vladimir Putin-i India semdangtsü

New Delhi, Yimpoksüi/ November 26 (Agencies): Ato Kilonser Narendra Modi den senden amentsü atema Russian tir Vladimir Putin-i December 6 nü India semdangtsü, ta Ministry of External Affairs (MEA)-i Hokolbarnü metetdaksü.

Russhi aser India na tesendaktep asadangshia alitsü atema India Ato Kilonser aser Russia tir na kümshia senden amentsü atema linük anaprongla inyakyim nung keta lir.

Osang benertem den sensaksembe mapang MEA otongdar Arindam Bagchi-i, Putin-i 21buba India-Russia annual summit atema December 6 nü India semdangtsü ta metetdaksüogo.

Iba senden ya taoba kumbo COVID-19 wara pokteter aliba ajanga magiteti liasü.

Tang tashi nung India aser Russia na tsüngda senden 20 bo menadokogo.

December 6 nü sa External affairs minister S Jaishankar aser defence minister Rajnath Singh nata Delhi nung Russia nung ketdangtsürtem den

senden amentsü.

Russia embassy sangdong ka ajanga ashiba agi, linük foreign minister Sergey Lavrov aser defence minister Sergey Shoigu nati Jaishankar aser Singh na den senden amenba mapang Asia-Pacific region aser Afghanistan aser Syria nung tensa indang densema regional aser international onük tongtibangtem benoka sensak asemtsü imlar.

Maneni Shanghai Cooperation Organisation (SCO) aser Russia-India-China (RIC) format dak sendakba nung parnok tebilebatem lemsateptsü imlar, ta embassy-isa ashi.

Kasa mapang nung Hokolbarnü Russia-India-China foreign minister tem senden ka menogo. Iba senden nung external affairs minister S Jaishankar-i, kiralongrar aser temesepba mozü shibelenba nokdangtsü aser Afghan nungertem atema teyari balala kecha tetsükdaksü makai tonga bener otsütsü atema India, Russia aser China longjemer inyaktsü nüngdakba lemsatepogo.



Madhya Pradesh Chief Minister Shivraj Singh Chouhan, Union Minister Jyotiraditya Scindia aser tanga lenirtem, 72buba National Law Day amungba mapang Bhopal nung tenangzüktepa agiba sentong nung shilem agiba noksa nung angur.

Kejriwal-i aluyimertem nem temenok agütsütsü akhang

New Delhi, Yimpoksüi/ November 26 (Agencies): Delhi chief minister Arvind Kejriwal-i Hokolbarnü Centre dang aluyimba ozüng asem anema longkak aitiba mapang taküm samaba aluyimer kibongtem nem temenok agütsütsü, Minimum Support Prices (MSP) dak sendakba nung guarantee agütsütsü, aluyimertem anema ken o benoka aliba agitsü aser union minister Ajay Mishra tanga tang mapa nungi anentsütsü khangogo.

Delhi assembly nung jembiba mapang pai, aluyimertem nüburtem nem tanaben democracy dak tamang katetdaksüogo, ta ashi.

Lakhimpur Kheri nung Mishra indang gari ka densema convoy kati aluyimertem dak menüngba indang benoka Kejriwal-i, Mishra tang tashi kechiba mapang nungi manentsü ta Bharatiya Janata Party (BJP)-i aniba Centre sorkar dang asüngdang liasü.

"Lakhimpur nung tatalokba ya kanga tejashitsüka. Kechiba Centre-i pa mapa nungi maginteter? Parnok tebilemba kechiar mejangja saka linük ajungai pa mapa nungi agindaksüner," ta Kejriwal-i ashi.

Delhi assembly-isa, special session mapang Hokolbarnü, longkak aitiba mapang asüba aluyimertem kinunger 700 atema sen crore 1 temenok, aluyimertem anema ken o benoka aliba agitsü, MSP dak sendakba nung guarantee agütsütsü aser Mishra anema jenjang tapet agitsü atema bangzüng ka agizükogo.

Kasa mapang nung, BJP züngsemtemi linük anemertem ta jaka aluyimertem aremzüka yimjung nung longkak aitiba atema parnok nem pai tenüngsang agütsü. Kejriwal-isa, iba longkak aitiba sentong aniba atema Punjab nungi aluyimertem nem tenüngsang agüja liasü.

(Maneni tapak 10 nung...)

Sudan mitkari sorkar atsüngdoktsü PM Hamdok-i meteta liasü



Khartoum, Yimpoksüi/Nov. 26 (Agencies): Taoba ita mitkartemi sorkar atsüngdokba ya matalokdang Ato Kilonser Abdalla Hamdok-i meteta liasü aser paia molunga liasü, ta Sudan nung governing sovereign council nung deputy head, General Mohamed Hamdan Dagalo-i ashi.

Hamdok ya mitkartemi October 25 nü atsüngdok saka civilian nem yimsü südaksütsü asoshi tanaben inyakyim tenzükshitsü atema Sudan indang mitkar lenirtem den Deobarnü tezüngzüktep ka yangluba sülen pa ano khen atema ato kilonser shimshia liasü.

"October 25 nü atalokba ya mapang talangka nungi inyaka aruba lir. Aoben jembishinüogo aser aiben sentong balala benokogo," ta Dagalo-i Al Jazeera den sensaksemba mapang ashi, koba Hokulbarnü saya liasü. Dagalo dang ya Hemeti ta ajar.

"Senden amenba mapang ato kilonseria sentong ana benoka liasü. Onoki inyaksü asem liasü, aser tajungtibaji onoki inyaka sorkar atsüngdok, aser iba ya ato kilonseria molunga liasü. Iba mera ya onok kisüngi agiba masü," ta Dagalo-i ashi.

Khartoum nungi Al Jazeera osangbener Resul Serdar-i ashiba agi, iba ojang ya kanga tasü ita jembiba lir, kechiaser Sudan nung aikati mitkartemi sorkar atsüngdokba nungya Hamdok dena liasü asü mesüra pai meteta liasü asü ta

asüngdanga liasü, ta ashi.

"Ni pa dang asüngdang dang maitkartemi tashiyim amshia atsüngdoktsü ya pai memetet liasü ta ashi," ta Atas-i tesüsa ato kilonser den sensaksemba indang athishia ashi.

"Saka tangbo deputy chairman-i iba indang ya Hamdok den jembioigo aser mitkartemi iba mera magidang pai meteter liasü ta ashir," ta Atas-i ashi.

"Nüburtemi iba indang ya asüngdanga liasü. Aser tang tai tongloktsüba sülen nüburtemi pa dak tali temolung malemtsü," ta pai ashi.

October 25 nü General Abdel Fattah al-Burhan-i sorkar anentsü, civilian lenirtem apu aser state of emergency sangdonga linük balala nungi taittsüba ola adok aser Sudan nung nüburtemi mitkar mapa anema longkak aita liasü.

Mitkartemi sorkar atsüngdokba sülen Hamdok ya par kidang pua ayu.

November 11 nü al-Burhan-i ozüng tasen ka yanglua züngsem 14 agi akumba sovereign council ka tentet aser yangji pa tekolakba shim.

Nübur ajunga nokdakba ajanga mapang talangka nungi yimsü süa arusang Omar al-Bashir menden nungi atsüngdoker küm ana dak tema lir mitkartemi sorkar atsüngdokba ajanga democratic elections agitsü atema sentong yanglua inyaka raksatsü aser alimai aitsü.

Deobarnü Khartoum nung

tir aliba kidang Hamdok aser mitkartem tsüngta onük 14 nung tenzüngzüktep agiba ajanga mitkartemi sorkar atsüngdokba mapang pua aliba yimten yimsüsür ajunga chiok aser 2019 constitutional declaration nung amendaker yimtenren melentsü renem, ta iba tezüngzüktep state television nung zünga metetdaksüba nung shia liasü.

Iba tezüngzüktep agiba sülen tanaben ato kilonser menden nung mendaktsüsangi takotet nübutemi "technocratic government" ka tentettsü aser parnoki 2023 küm June ita election magi tashi linük anitsü, ta shia liasü.

Iba tezüngzüktep ya linük timbai agizük, saka Sudan nung democracy busema nokdakertemi magizük aser ibai mitkar tashi amshia sorkar atsüngdokba atema tashi agütsütsü merangba ka dang lir, ta ashi.

Parnoki mitkartem ya tarutsü nung Sudan sorkar nung shilem magidaksütsü akhang aser tezüngzüktep agiba sülen yimtenren nung mitkari shilem agiba anema Sudan nüburtemi maneni longkak ait.

"Nisung meyrirjang aika yimtongi meyipa shilanga maneni parnoki akhangba nung nokdaka lir. Cabinet tasen ka tentettsü aser yimten yimsüsürtem pua aliba chioktsü ya tongtipang ken o ana tang tashi metembang lir," ta Serdar-i ashi.

Ato kilonser aser mitkar tsüngta tezüngzüktep yangluba anema nokdakba temaitsü sayua cabinet minister 12-i parnok menden nungi aluba Hamdok nem tezüluba nung agütsüogo.

Mitkartemi tashiyim amshia sorkar atsüngdokba sülen security forces den raratepba mapang nisung 41 takum samaogo, kechiaser iba mapang mitkar mapa anema longkak aiter senshidaksütsü mechi security forces temi injang amshia liasü.

Covid tapu tasenba nokdangtsü Asia linüktemi mera agir

Singapore, Yimpoksüi/November 26 (Agencies): South Africa nung vaccine-resistant coronavirus tapu tasen ka potetba sülen Asia linüktem nung tenokdangba tasen agütsüogo. Hokolbarnü Singapore aser India nati arrtsü nung tenokdangba tesashi agütsüba den Covid-19 tashidak tali tendangtsü sangdongogo.

Scientist temi iba tashidak tapu tasenba indang maneni bushisüngdangdar, koba iba hopta tetenzüklen poteta liasü, ajisüaka iba osang ajanga Hokolbarnü financial market nung kongshi aser Asia nung ita asem tsüngda stock tajemba aküm aser totzü nunga shilem 3 dak tajemba kümogo.

Tashidak tapu tasenba dang ya B.1.1.529 ta ajar, koba Botswana aser Hong Kong nung potetogo, ta UK Health Security Agency-i ashi.

Iba osang angazüka Britain-i, Hokolbarnü nungi tenzükba khen atema South Africa, Namibia, Botswana, Zimbabwe, Lesotho aser Eswatini nungi tayimtsütem marudaksütsü tenokdangba agütsüogo, aser item tesemtem nungi arurtem quarantine asütsü tuyuogo.

Singapore nunga health ministry-i Hokolbarnü ashiba agi, parnoki South Africa aser temeket nung aliba linüktem nungi nüburtem arutsü memelatsü ta shiogo.

Kasa mapang nung Japan

sorkari South Africa aser Africa linük pongu nungi Japan-i arurtem atema arrtsü nung tenokdangba agütsütsü telemtetba agiogo.

Alima nung tanga tesemtem dang nungi Asia nung iba wara tajungba azüokteta arudar aser aji arrtsü nung tenokdangba tesashi agütsüba aser tashidak nisung aika dak tendangba ajanga lir.

Tashidak tapu tasenba ya Covid-19 vaccines amendaker yangluba original coronavirus dang nungi balaka lir, ta UK Health Security Agency-i shisem.

Taiwan-ia, anüolen tip nung aliba Agrica linüktem nungi arurtem sorkari achaayangba quarantine facility tem nung anogo 14 amungtsüla ta shiogo.

SÜR KÜM 1 AJUNGER



ASÜR TSUTIONG KEZO
07.03.1986 - 27.11.2020

Nai iba akümüli toktsür orr küm ka süitema ogo, saka nai tajung inyakbatem onok mulungjang nung temaitsü ka ama teti alitsü. Na onok den meliaka, onoki na teti bilemtettsü. Tebang agi rasa meshitettsüsa onoki na kanga menungrar.

Temeim Oja, Adianutem, Chirnur aser Oku.

MENUNGRA BILEMTETER



Asür TSUKTIKALA (Unger)

Oja, otsü,

Nai onok toktsür or küm ana abensar. Anogoshia na onok mulungjang nung lir.

Nü temeim, taremsük, menerem jakden, tamang sarasadem ola, sayubentsü o.. nü ola mangashiaka na onok den ali ama teti menungra alira ni.

Temeim kinungbo, Chirnur aser Semchirtem.

OFFICE OF THE MOAYIMTI MEDEMSANGER PUTU MENDEN

(Moayimti Village Council)

BPO. Mangkolemba, Dist. Mokokchung Nagaland.

NSCN/GPRN yimten küpok linük tenzükba wadang nung Lenirtemi temolung lemteta khuret taretba nung shilem agia nübur tenzüktsü temaba menden ngutetba asoshi Moayimti Medemsanger Putu yimsüseri item lenirtem ajak nem tepela tenüngsang agütsür.

1. **Wb. L. Chuba Pongen**, Co-Convenor Steering Committee NSCN/GPRN (IM).
2. **Wb. I. Chuba Lemtur**, Kilonser NSCN/GPRN (IM).
3. **Wb. J. Chuba Sanglir**, Deputy Kilonser NSCN/GPRN (IM).

NSCN/GPRN yimten lenirtemi ozü senso-sangertem dak tamang kateta item maangka tolu agütsüba asoshi ozü senso-sanger ajak tenüng nung putu yimsüseri nenok lenirtem dang kanga pelaba metetdaksür.

Asen Teyanglur Tsüngremi maneni nenok lenirtem ajak taküm aser kipongtem moajang.

**(Sd/-
Satemkaba
Council Chairman**

**Sd/-
Rongsenkaba
Council Secretary**

Salt Christian College nung 'Constitution Day' mungogo



Dimapur, Yimpoksüi/ November 26, 2021 (TYO): Linük nung tesem ajunga den jangyumedema, Hokolbarnü, Salt Christian College, Department of Political Science-i college campus nung "To commemorate the adoption of the Indian constitution" omen nung ajemdaker 'Indian Constitution Day' munga liasü, ta sangdong ajanga metetdaksü.

Iba sentong nung Principal, SCC, Dr. (Mrs) R Choudhury-i jembia aser lai kaketshirtem dang

Constitution indang tongtibattem metetdaksü aser Indian Constitution renemtsü/ yanglutsü atema tongti shilem agir BR Ambedkar nem tetushi agüja liasü.

Class 11 nungi Anukho-i anir preamble zünga liasü aser faculty o staff ajaki tenangzüktep (pledge) agi. Kaketshirtem Indian Constitution indang metetta lidaktsütsü aser parnok ajungmesotsü asoshi Extempore Speech competition ayongzükta liasü.

Iba tetoktepba nung takok angur aser shilem agirtem nem certificate agütsü, kong Kikhriengunuo Kense (3rd Semester), Taluni aser Phojai (5th Semester) nungeri Ibuba, 2buba aser 3buba jenjang nung takok angu.

Maneni, kasa sentong nung Suzane (HoD) ajanga Indian Constitution indang putiotsü lemsatepa liasü. Iba sentong nung Pol. Sci, SCC indang nung faculty, Mughabeto menden liasü aser Kavika-i tepela anküp o jembia, ta sangdong nung shia lir.

Minority Morcha BJP Nagaland-i senden ayongzüktsü

Dimapur, Yimpoksüi/ November 26, 2021 (TYO): Minority Morcha BJP Nagaland-i November 28, 2021 nikongdang 1:00 ako meta Rotary Club of Dimapur, Midland nung President Deep Kumar (2020-23)-i aniba mapang 2buba State Level Executive Meeting

ayongzüktsü, ta sangdong ka ajanga State VP & Media Convenor, Minority Morcha BJP Nagaland, Ajay Sethi-i metetdaksü.

Anungji, iba senden nung State Minority Morcha indang State Office Bearers & State Executive Members ajak den tejaokertem aser district

Morcha ajak nungi President & General Secretary tem aruagi adentsü asoshi pelashishia jaoker. Iba senden atema Morcha indang State Vice-President Brij Kishore Rai, Convenor aser State Executive Member Naresh Sethi, Co-Convenor asütsü, ta kasa sangdong nung shia lir.

DES-i seminar ka ayongzüktsü

Kohima, Yimpoksüi/ November 26, 2021 (TYO): Department of Economics and Statistics (DES) Nagaland-i November 30, 2021 anepdang 10:00 ako meta Capital Convention Center Kohima

nung State Level Seminar ka ayongzüktsü. Iba State Level Seminar ya "Awareness Amongst Data Providers on the Importance of Reliable Statistics" omen nung ajemdaker agitsü.

Iba seminar nung, Advisor for Fisheries and Aquatic Resources, Evaluation, and Economics and Statistics, L. Khumo alakteta tejaoker ama aruagi adentsü, ta sangdong ka ajanga metetdaksü.

Brillante indang Pedagogy series sayutsü

Dimapur, Yimpoksüi/ November 26, 2021 (TYO): Brillante - Nagaland Piano Festival-i Pedagogy series sayutsü sentong renemdar, kong 'online workshops', 'master classes' aser 'tutorials' dena lir. Pianist mashi ka nem temaba jenjang tesayuba agütsütsü nükjidong nung iba series sayutsü. Iba series nung Nagaland aser India, UK den US nungi takotet nübu balala ajanga 'pedagogy', 'practice', 'techniques', 'accompaniment' tem achaayanga agitsü.

Brillante-i resource partners - Musee Musical, KM Music Conservatory, Trinity College London India, Nagaland Piano Teachers Association (NPTA), Department of School Education (DoSE) Nagaland, Yamaha India aser sentong achaayanger TaFMA(Task Force for Music and Arts) dang

pelaba metetdaksü. Iba 'special series' ya Nagaland Piano Festival tanünübuba nung YouTube channel Brillante Nagaland sabang ajanga sayutsü.

* **Iba series atema resource specialists aser pedagogy onüktem yamai alitsü:**

1. Marouan Benabdallah - Franz Lizst Academy Budapest Live zoom masterclass
2. Luke Jones - Welsh pianist Masterclass- Chopin's pedaling
3. Dr. Monika Herzig - Jazz pianist, Bloomington Indiana University Workshop - Introduction to Jazz improvisation
4. Pradyumna Singh Manot-Fiery Latin Jazz pianist, composer, music educator Workshop - Rhythm of Latin Jazz music

5. Nise Meruno - Yamaha Artist Workshop- Art of Piano Accompaniment
6. Karl Lutchmayer - Musee Musical, Oxford University Workshop- "I play it much better at home": the Perils of playing by Rote and how to overcome them
7. Lavania Kumar - piano faculty at KM Music Conservatory A pedagogy workshop - Teaching and Young Learners
8. Rachintan Trivedi - Music Composer and producer Workshop - Such A Mood - A demonstration on the process of production
9. Anuvrat Choudhary - Trinity Laban Conservatoire, London, India Workshop - Practicing Productively



Office of the
MONGSENYIMTI SENSO MUNGDANG
B.P.O MONGSENYIMTI P.O. CHUCHUYIMLANG
DIST: MOKOKCHUNG NAGALAND-798614

TETUSHI NÜNGSANG YIMYIM

Takotet, Tekümyang, yimtisanger nangpong Wb I. Meyionen IGP & Director (Rtd) Lokayukta Police, Nagaland ajanga ochishia sorkar aser nübur tenzükba maong nguteta Nagaland Sorkar nung Chief Information Commissioner, Nagaland Information Commission wadang nung nokdaka shilua Naga nübur tenzüksü jenjang ajangzükttet nung lenir nem aküm tetushi tulu Mongsenyimti Sensosanger ajaki agütsür.

Iba meraket wadang ozü senso tajung nem Wb. Neiphu Rio, Chief Minister Nagaland ajanga mulungdoka nungloktsü nung asen Nagaland Tongti Kilonser dang kangasa pelaba ayimoktsür.

Leniri pa nem moatsüba tajungtiba shisatsü ajanga asen nübur sangdema tenzükttetsü Tsüngremi anema aliba arishi talang moatsütsü sensosanger Inti tamang sarasadem.

Sd/-
(IMOTONG)
Tir, MSM

Sd/-
(OBANGONEN)
Tongti Zülur, MSM

TENÜNGSANG AGÜTSÜR

Teküboklen agüja aliba tenüngtemi jenjang tajung ajangzüktteta aser khonang den naroküm bener arutsüba atema iba sabang ajanga Dibua Planning & Development Board, Dibua Education Committee-i pelaba lemsateper. Onoki Tsüngrem tenüng asanger aser tarutsü nunga parnok wadang nung maneni Pa leniba aser temoatsütem lidakjang ta sarasademtsür.

1. **Wb. Imtiwapang Ao**, Deputy Secretary, Govt. of Nagaland mendeni ajungketba.
2. **Wb. Temjenliba Ao**, Agriculture Officer, Dept of Agriculture, Govt. of Nagaland mendeni ajungketba.
3. **Dr. Moatula Ao**, W/o. Limakumba Walling, Asst Prof. Assistant professor, P. G. Department of Population Studies, Fakir Mohan University, Balasore, Odisha; Journal Demography India nung best paper adokba atema Indian Association for the Study of Population (IASP) ajanga Prof. Srinivasan award agütsüba.
4. **Wb. Imkong Walling**, Kohima Press Club Impact journalism award 2021 agizükba.

Sd/-
IMSUMEREN
CONVENOR

Sd/-
BENDANGLILA
SECRETARY


Office of the **AOR JAMIR MUNG DANG**

HQ. Mokokchung; Nagaland- 798601

TENÜNGSANG AGÜTSÜR

Late Imkongsungit Jamir jabaso Wb. I. Meyionen pa Nagaland Sorkar kübok Inspector General of Police (IGP) wadang nungi anisüngzük ngur alidang anosa Nagaland Sorkari pa nübu aser shisatsü aginüa "Chief Information Commissioner (CIC), Nagaland Information Commission" shim nung Aor Jamir Mungdangti kilem ajanga tenüngsang agütsür aser ne mapa, shisa tajungji Naga nübur atema temoatsü südakjang ta sarasademtsür.

Sd/-
Mar Jamir
Tir
Aor Jamir Mungdang


T.N. Temjen Jamir
Tezüluba
Aor Jamir Mungdang

PM Modi-i Uttarakhand Assembly election nüboyim tenzüktsütsü

Dehradun, Yimpoksüi/ November 26 (Agencies): in-charge, Prahlad Joshi-i, "December ita mezüngbuba Uttarakhand nung Assembly elections agitsü mapang ana Narendra Modi-i election nung lia Brihostibarnü Union nüboyim tenzüktsütsü. Minister aser State BJP in-charge, Prahlad Joshi-i, meshim," ta metetdaksü. December ita mezüngbuba Union Minister-isa, hopta nung Ato kilonser, "Uttarakhand nung Assembly elections atema onok kanga assembly election atema nübo junga renema lir. State nung yimtsütsü, ta metetdaksü. onoki grassroots level nungi

Dehradun nung anogo tenzükta mapa inyakdar. State ananü senden nung nung nüburtemi BJP yaritsü," jembidang BJP Uttarakhand ta metetdaksü.

MDVA-i asayartem tushia agizük



Mokokchung, Yimpoksüi/November 26, 2021: Imkongmeren Sports Complex nung MDVA Men aser Women team temi takok marok amer District Administration aser MDVA keddangsurtem den külemi tangokba noksa ka yangi angur.

Mokokchung, Yimpoksüi/November 26, 2021 (TYO): District Administration & Mokokchung District Volleyball Association (MDVA)-i Mokokchung district tenung nungi asayartem, shirnoki "18buba All Nagaland Inter-District Volleyball Tournament 2021" - Men's category nung mezüngbuba aser Women's category nung runners-up jenjang ajangzükter, parnok tushia agizüka liasü, ta sangdong ajanga metetdaksü.

Hokolbarnü, Kohima nungi team anapronglai takok marok bener arur sülen, Imkongmeren Sports Complex nung sentong ka ayongzüka liasü.

MDVA Team Manager-i, iba asayamung nung (18buba All Nagaland Inter-District Volleyball Tournament 2021)

tebur team (Mokokchung)-i tanga team dang nungi alakteta junga asayaogo aser takok nguogo. Parnoki iba title tukubenbuba takok angur asütsü, ta metetdaksü.

Team Manager-isa, Tetsür team (Mokokchung) nem tenüngsang agüja liasü. Imlaba dang nungi parnoki kanga agi tajungba asayaogo aser runner-up title ajangzükter, ta pai ashi.

Pei pei tata asaya nung takok anguba dak alaka, MDVA Women team nungi Pursenla-i 'Women Category' nung 'Best Libero' aser Men's team nungi Moasunep, Sarilepzung aser Tongpangsunep nungeri Best Libero, Best Setter aser Best Spiker award nguogo, ta paisa metetdaksü.

Mokokchung district nem

tenung tajung bener arutsüba aser District nung asayar (volleyball) tajungtem anitetsü nükjidong yur bendanga agüja inyakba atema, District Administration tenung nung, EAC Ongpangkong, Sangpangchang Longkumer-i tetsür o tebur team anaprongla aser MDVA nem tenüngsang agütsü.

Coach aser technical professional akhüm nung pei sempet tajungtiba nung amshitsü aser asaya yimya/tasa tajungba melenshia asayatsü asoshi pai asayartem ajungshia liasü.

Maneni, iba sentong nung MDVA Senior Executive Meren Jamir, Kilip aser MDVA Vice president Allen Imchen nungeri jembiogo, ta kasa sangdong nung shia lir.

Kejriwal-i aluyimertem nem...

"Iba ya alima nung aluyimertemi longkak aitba talangtiba lir. Pei sorkar anema raraba mapang aluyimer 700 dak temai taküm bendanga agütsüogo. Ruling party-i parnok rongmesodaktsütsü atema inyakogo. Parnok dang anti-nationals, Khalistanis, Pakistani agents ta aja, saka parnoki yimjung nung longkak aiba ajanga sorkari tekong merangba raksatsüogo," ta Kejriwal-i ashi.

Maneni pai, yimjung nung

longkak aitba ajanga sorkari aluyimba ozüng asem ya agintsüsa aküm, ta ashi. Paisa, par sorkari mezüngbuba anogo nungi aluyimba ozüng asem ya anemogo aser aluyimertem pusema liasü. "Iba inyakyim raksatsütsü atema nüburtem stadium tem nung yua liasü. Onoka Anna movement mapang stadium tem nung anenzüka liasü. Onoki onok indang stadium tem tepuokdak mekümdaksü," ta Kejriwal-i ashi.

(Tapak 7 nungi...)

Kejriwal-i BJP lenirtem aija, aluyimba ozüng benokba aser aginba ta telemetba anaprongla ya parnoki "masterstrokes" ta züngshir ta ashi.

Environment minister Gopal Rai, shibai assembly nung iba onük benoka liasü, pai, Centre-i iba ozüng agintsü telemetba agiogo ta ashi. "Ajisüaka ozüngtem ya aluyimertem den sensak mesemi yanglu. Iba ya democracy atema majung. Tanga sorkari aluyimertem den sensak masemer," ta pai ashi.



Dimapur, Yimpoksüi/November 26, 2021: Tawa tembangba '31st Senior National Sepaktakraw Championship' nung shilem agir Nagaland Sepaktakraw tebur aser tetsür team den keddangsurtem külemi tangokba noksa ka yangi angur. Iba asayamung Lovely Professional University, Phagwara (Punjab) nung asaya liasü, kong Nagaland Sepaktakraw tebur aser tetsür team anapronglai 'Regu' aser 'Team' event nung Bronze medal nguogo; aser taruba National Games atema team anaprongla qualify süogo. Sangküm (2022) Goa nung National Games asayatsü.

Indonesia Open: Sindhu semi final-i iogo

Bali, Yimpoksüi/November 26, 2021 (Agencies): Hokolbarnü, Indonesia Open Super 1000 badminton asayamung tetsür kija quarter final asaya nung, India tsür PV Sindhu-i South Korea tsür Sim Yujin madak takok anguba sülen, la semi-final tongogo.

Iba asaya nung world champion, Sindhu-i kanga dang meranga Yujin den toktepa asaya aser lai 14-21, 21-19, 21-14 agi Yujin tsükdaktsü.

USD 850,000' asayamung nung Sindhu-i Thailand tsür seed tanabuba Ratchanok Intanon den semifinal asayatsü.

Tetsür kija quarter final asaya tanga ka nung Intanon-i Japan tsür Asuka Takahashi madak 21-17, 21-12 agi takok angu.

Iba asayamung tetsür kija mezüng round nung, Sindhu-i kanga dang meranga Japan tsür Aya Ohoi tsükdaktsüba sülen,

quarter final tongtetsü atema tanabuba round nung Sindhu-i Germany tsür Yvonne Li madak takok angu.

Kasa asayamung tebur kija quarter final asaya nung, B Sai Praneeth-i 12-21, 8-21 agi Olympic champion aser taoba mapang world No.1 Denmark nung Viktor Axelsen makok.

Quarter final tongtetsü atema, Bhostibarnü tebur kija tanabuba round nung world no. 16 Praneeth-i 21-17 14-21 21-19 agi France nung Christo Popov tsükdakja liasü.

Maneni, tebur tarep quarter final nung India nunger Satwiksairaj Rankireddy aser Chirag Shetty nati Malaysia nung Goh Sze Fei aser Nur Izzuddin madak 21-19, 21-19 agi takok ngua semifinal tongogo. Satwik aser Chirag nati ayong ayonga dang minute 43 nung iba asaya koktet.

Bangladesh T20I captain Mahmudullah Test cricket nungi anener



New Delhi, Yimpoksüi/November 26, 2021 (Agencies): Bangladesh indang T20I captain Mahmudullah Riyad-i arishi küm 35 nung Test cricket nungi anenba sangdongogo. Mahmudullah-i Senior National Team atema ODIs aser T20I maneni asayatsü.

Social media sabang nung all-rounder Mahmudullah-i iba format (Test) nungi anenba osang sangokja liasü. Mahmudullah-i Test match 50 nung century 5 aser half century 16 densema run 2914 yanglua lir. 2009 küm pai Test nung ajemoka asaya aser taküm July ita Bangladesh pur Zimbabwe nung asayaba mapang pai Test match tatembuba asayaogo.

Iba asayamung (Harare Test) nung pai run 150 (not out) yanglua liasü, koba Test match ka nung run timtiba asütsü aser Mahmudullah-isa 'Man of the Match' award angu.

"Test cricket nungi anenba sangdonger. Iba format mezüng aser tatembuba asaya anaprongla nung ni 'Man of the match' award angu. 'Alhamdulillah' (Tsüngrem tenüng asanger), Test cricket asaya tenzüker nungi tatem

tashi jangratema asayaogo. Iba wadang nung asaya aruba mapang lenmang balala aser shisatsü agi nungitta yariba atema tsürabur/adianutem, külem team pur, coach aser BCB dang pelaba metetdaksür," ta Twitter nung Mahmudullah-i lemsatop.

"Küm talangka atema asaya aruba format ka toktsütsü mapa tezüba masü. Iba format nung temaba jenjang tongteta asayatsü asoshi kü mangdang liasü aser Test asaya nungi anentsü mapang agi tongogo ta ni bilemer," Mahmudullah-i ashi.

Küm 12 tashi Test asaya aruba mapang Mahmudullah-i wicket 43 agia lir.

"Kü dak aketba sempet nung temulung lemtetta aser mapang shia lenmang balala ajanga nungitta yariba atema, külem team pur aser support staff dang pelaba shisemer. Bangladesh atema Test cricket asayatsü ya maangka tulu aser khonang ka ama agizüka aruogo aser iba format nung külem team pur den ajangzükterbatem teti bilemtetsü," ta pai ashi.

Hokolbar nungi Chittagong nung Bangladesh-i Pakistan den Test series ana nungi mezüng match asayatsü terenemba lir.

BILEMDANGANG

"Ochi mulungjang ateneri pei asoshi külakzüka mayur."